

საგზაო

საერთო გამოცემის კარსკევი 6 ივნისი 2008 №128 (3352)

ფასი 50 თეთრი



3 წლით კლუბში დიმიტრი ტატანაშვილი იუზიათი რეალობაა

მოსალოდნელი ტრანსფერი გუშინ საბოლოოდ გაფორმდა: დიმიტრი ტატანაშვილი პლზენის „ვიქტორიას“ ფეხბურთელია.

თანამედროვე ქართული რეალობისთვის იუზიათი ფაქტიც: პლზენელებმა ტატანაშვილი ისე აიყვანეს, არც გაუსინჯავთ, ოდენ სამედ-იცილო შემონახვა გაატარეს.

საიდან გაიცვან ჩეხებმა ქართველი ფეხბურთელი?

შარშან ზაფხულში, როცა „ამერი“ ჩეხურ შეკრებაზე იმყოფებოდა, დიმიტრი ტატანაშვილმა ოთხი გოლი გაიტანა. ამათგან სამი გოლი ტატანაშვილმა „კლანოს“ გაუტანა, მეოთხე კი სწორედ იმ „ვიქტორიას“, რომელშიც გადავიდა.

სხვათა შორის, რამდენიმე ჩეხურ კლუბს ტატანაშვილის გადაბირება მაშინვე სურდა...

ისიც გავისხენოთ, რომ ტატანაშვილი ის ფეხბურთელია, საქართველოს თასის ბოლო სამ ფინალში სამი გოლი რომ აქვს გატანილი. ორი წლის წინ, „ამერი“ — „ზესტაფონის“ პირველ ფინალში მან პენალტების სერიაში შეასრულა მესამე დარტყმა; შარშან „ამერმა“ მისი ერთადერთი გოლით მოიგო; წლევეანდელ ფინალში კი დიმიტრის გოლმა „ამერი“ ველარ იხსნა, ზესტაფონელებს იქამდე ორი ჰქონდათ გატანილი.

არანაკლებ საინტერესო ფაქტიც: ან გასრულებულ სეზონში დიმიტრი ტატანაშვილი ჩემპიონატის ბომბარდირთა შორის მეორე ადგილზე გავიდა 13 გოლით, ხოლო მათი უმრავლესობა შეცვლაზე შესულმა გაიტანა.


სამწუხაროა, რომ საქართველო კიდევ ერთმა გამორჩეულმა ფეხბურთელმა დატოვა, თუმცა ისიც ვთქვათ, რომ არსებულ რეალობაში ეს პრაქტიკულად გარდაუვალი პროცესია. ხოლო „ამერმა“, ჩვენი ინფორმაციით, ამ ტრანსფერის სანაცვლოდ, დაახლოებით 300 ათასი ევრო მიიღო. თანამედროვე ქართულ რეალობაში ესეც საკმაოდ დიდი თანხაა.

გიორგი დარჯანია

24 ევროსაათი დიდი ფეხბურთი იმ, სადაც ჩვენ არ ვართ



სლავთა ფინალი შუა საფრანგეთში



დინარა საფინა



ანა ივანოვიჩი



გაბრიელ კატილაძის ფოტო

იშვიათი შემთხვევა: ქართველი ფეხბურთელი ევროპულმა კლუბმა ისე აიყვანა, გასინჯვა საჭიროდ არ ჩათვალა. დიმიტრი ტატანაშვილი, ვინაც ბოლო სამი სეზონი „ამერში“ გაატარა, იქამდე თბილისისავე „სპარტაკის“ ფეხბურთელი იყო, კარიერის გასაგრძელებლად ჩეხეთში წავიდა და პლზენის „ვიქტორიასთან“ სამწლიან კონტრაქტს მოაწერა ხელი. „ამერი“ კი სანაცვლოდ, დაახლოებით 300 ათას ევროს მიიღებს, რაც, დაგვეთანხმებით, აქაური საზომებით გვარიანი თანხაა. გაუსინჯავადო, ვთქვით და, განვმარტოთ: ტატანაშვილს ჩეხები აქამდეც იცნობდნენ, ბოლოს და ბოლოს, დიმიტრის „ვიქტორიასთვის“ გოლიც აქვს გატანილი. ეს ერთი წლის წინ მოხდა, „ამერის“ ჩეხური შეკრებისას და პლზენელების გარდა, იმ შეკრებისას ტატანაშვილმა „კლადნოსაც“ გაუტანა სამი გოლი. რამდენიმე ჩეხური კლუბი ტატანაშვილით მაშინვე დაინტერესდა, თუმცა „ამერმა“ თავდამსხმელის გასხვისება არ ისურვა. ხოლო ის, რომ ჩეხები ტატანაშვილით სერიოზულად იყვნენ დაინტერესებულნი, გუშინდელმა ამბავმა დაადასტურა. გუშინვე, კონტრაქტის გაფორმების მერე, პლზენში ფეხბურთელის აგენტ ალექსანდრე ტონიას და თავად დიმიტრი ტატანაშვილსაც დავურეკეთ...

ტატანაშვილის ვიქტორია

ალექსანდრე ტონია: ყველაფერი ისე მოხდა, როგორც გვინდოდა

ალექსანდრე ტონია: სამწლიანი კონტრაქტი უკვე გაფორმდა, თან ისე, რომ კლუბს ფეხბურთელის გასინჯვა არც მოუთხოვია, დიმიტრი მხოლოდ სამედიცინო შემოწმება გაიარა. ჩეხური მხარე მას ერთი წელია, აკვირდებოდა და მისი შესაძლებლობებიც კარგად იცოდნენ.

- ანუ, მოლაპარაკებისას პრობლემები არ გქონიათ...
- მოლაპარაკება რამდენიმე კვირას გაგრძელდა, საუბარი ფინანსურ და სხვა ტექნიკურ დეტალებს შეეხებოდა. თუმცა იქიდან გამომდინარე, რომ ტატანაშვილის ტრანსფერით დაინტერესება ძალიან დიდი იყო, მოლაპარაკებებისას პრობლემები არ შეგვექმნია. ყველაფერი ისე გამოვიდა, როგორც გვინდოდა.
- თვითონ დიმიტრი როგორ მიიღეს კლუბში?
- არ გადავაჭარბებ: როგორც ვარსკვლავი ძალიან თბილად შეხვდნენ და მეტსაც გეტყვით, პლზენში უკვე იცოდნენ საქართველოდან ახალი ფეხბურთელის ჩამოსვლის შესახებ და დიმიტრის ქომაგები ქუჩაშიც ცნობდნენ და აჩივებდნენ. ახლა დიმიტრი ნომერიდა უნდა აირჩიოს.
- ამის მერე დიმიტრი ტატანაშვილსაც ვესაუბრეთ და, ბუნებრივია, მილოცვით დავიწყეთ...
- დიდი მადლობა, ძალიან კმაყოფილი ვარ, ტრანსფერი რომ გამოვიდა. ყველაფერი ისეა, როგორც მინდოდა.
- ალექსანდრე ტონიამ გვითხრა, დიმიტრი ახლა სათამაშო ნომრის არჩევაზე ფიქრობს და რომელს აირჩევს?
- დიახ, კლუბმა თავად შემომთავაზა სასურველი ნომრის არჩევა და ჯერჯერობით ვფიქრობ. ალბათ, 18 ან 9 ნომერს ავირჩევ.
- ახალ გუნდში ვარჯიშს როდის იწყებ?
- ხვალ პირველი ვარჯიში შექმნება, მაგრამ ზევ რამდენიმე დღით თბილისში ჩამოვდივარ და 16 ივნისისთვის დავბრუნდები ჩეხეთში.
- ოფიციალური წარდგენა როდის გექნება?
- ხვალვე. დღესაც იყვნენ ჟურნალისტები მოსულნი, მაგრამ ოფიციალური პრეზენტაცია ხვალ გექნება.

კახა შალაშვილი

ელოდეთ სპარტაკში ახალ ახალგაზრდებს

არ გვინდა, სხვა გუნდებს ვაწყენინოთ, მაგრამ წინა სეზონის აუტსაიდერთა ზონაში ერთადერთი გუნდი, რომლის გაგარდნაც დაგენანებოდა, ცხინვალის „სპარტაკი“ იყო. კობა შორშიკაშვილის გუნდს მაინც მოუწია ხლაფორთი პლეი ოფში და „გაგრას“ ძლიერ შეინარჩუნა ადგილი უმაღლეს ლიგაში. ამავ დროს, „სპარტაკმა“ თბილისის „დინამოს“ გაჩემპიონებაშიც შეიტანა წვლილი — „ზესტაფონსა“ და „ვიტ ჯორჯიას“ აართვა ქულები. ჟორჯიკაშვილს განვლილ სეზონზეც ვესაუბრეთ და სამომავლო გეგმებზეც...

— ამჟამად გუნდი ისვენებს და რამდენიმე დღეში შევიკრიბებით. სავარაუდოდ, შეკრებას საქართველოშივე, ზღვისპირეთში გავივლით. თბილისში კი ისევე „მიხეილ მესხის“ სტადიონის მიმდებარე მინდორზე ვივარჯიშებთ. კარგია, რომ სტადიონის ღირექტორი გივი ჭანტურიძე ხელს გვიწყობს.

— რა ცვლილებები მოხდება შემაღვნილობაში?

— ძირითადი ბირთვი შენარჩუნდება. ამ დროისთვის გუნდიდან ოფიციალურად არავინ წასულა, დამატებით კი... ვერ გეტყვით, „სპარტაკი“ საბიუჯეტო გუნდია და რამდენად გაიზრდება დაფინანსება, მიჭირს ამაზე ლაპარაკი.

— გასულ სეზონზე რას იტყვით, მთლიანობაში როგორ შეაფასებთ „სპარტაკისთვის“?

— ჩემი ფეხბურთელების 80-მა პროცენტმა უმაღლეს ლიგაში პირველად ითამაშა. სეზონი რომ იწყებოდა, ფაქტობრივად, მაშინ შევიკრიბეთ. სულეცკიამ და ოპტიმალური ტაქტიკური სქემის მიგნებამ დრო წაიღო, ამიტომაც, პირველ წრეში უფრო გვიჭირდა. ზამთარში ორი წამყვანი ფეხბურთელი, დავით ჯანელიძე და ირაკლი ჩირიკაშვილი გამოგვაკლდა, რამაც დადი დავასავა, თუმცა მეორე წრეში გუ-

ნდი უკეთ გამოიყურებოდა, რადგან შედარებით მეტი დრო მოგვეცა მოსამზადებლად. საბოლოო ჯამში, უკმაყოფილი არ ვარ.

— „სპარტაკი“ ბრძოლისუნარიანობით გამოირჩეოდა, თუმცა ძალიან ცოტა გოლი გაჰქონდა...

— შეტევის ორგანიზებას მეტი დრო სჭირდება, ვიდრე უკანა ხაზისას. თავდასხმის შეთამაშება უფრო სპეციფიკურია, თანაც, ჩვენ არ ვართ გამოცდილი ფეხბურთელებით განებივრებულნი.

— გუნდიდან ფეხბურთელებს გამოარჩევთ?

— შეკარებები, მაქსიმე ქვილითა და ბესო კოდალაევი ურიგოდ არ თამაშობდნენ. კი, ჰქონდათ შეცდომები, იგივე კოდალაევი ჩაგდო „დინამოსთან“ სათასო მატჩი, მაგრამ ასეც ხდება ხოლმე. დაცვაში კარგად იდგნენ რევაზ ქემოკლიძე და ბესიკ ხაჭიპერაძე, ნახევარდაცვაში ირაკლი ძარაია და თორნიკე თარხნიშვილს არ ვემდური, გიორგი ხიდუშელმა რამდენიმე საჭირო გოლი გაიტანა, ისევე, როგორც მამუკა ლონდაძემ. თუმცა ყველა ფეხბურთელმა შეიტანა თავისი წვლილი, ბიჭები იბრძოდნენ და სწორ ფეხბურთესაც თამაშობდნენ, გამოცდილება კი აკლიათ.

— გიორგი თექთუმანიძეზეც ცა-

ლკე გვითხავთ. მომავალ სეზონში მეტი დრო მიეცემა სათამაშოდ?

— არა მარტო თექთუმანიძეს, სხვა ახალგაზრდებსაც უფრო მეტი პრაქტიკა მიეცემათ. დღეს მათ არავინ იცნობს, მაგრამ ხვალ-ზევ გამოჩნდებიან, თუ პოტენციალს დიდ შრომასაც მიაყოლებენ, ნამდვილად კარგ ფეხბურთეს ითამაშებენ.

— მსაჯობით თუ ხართ კმაყოფილი?


— მათ ზეგავლენა არ მოუხდენიათ ჩემპიონატის ცხრილზე.

— და რაც შეეხება ჩემპიონატის ღონეს?

— დამაბულობამ თავისი ხიბლი შემატა ჩემპიონატს, თუმცა ღონე მარტო ამით არ განისაზღვრება. პირობები გასაუმჯობესებელია — ძალიან ბევრ კლუბს უჭირს.

— არის შესაძლებელი, „სპარტაკში“ ფინანსური წინსვლა მოხდეს?

— ვნახოთ. იმედია, ისეთ პირობებს მაინც შეგვექმნინან, რომ მატჩების უკეთ გაანალიზების საშუალება მოგვეცეს. ანალიზს მარტო ტექნიკური თვალსაზრისით კი არა, ტაქტიკურადაც გავაკეთებდით, ფეხბურთელებს უკეთ გადავცემდით მასალას, შეცდომებს უფრო მკაფიოდ დავინახავდით...



დაწვას
II დივიზიონი. XXIX ტური
ორკუს ფრანკი 1:3 აკადემიკი
პრილოვა 0:1 კოლდინი
კიოვა 0:0 ფრამი
ნესტორი 3:2 ფრამიონისი
იოლსტიკი 0:2 პირფიოლა
სილაპოროვი 1:0 პილაოვი
სკივი 2:0 სოლოარიისკი
ვილი 5:1 ნიუპიოვინი
სერაპეას
ტიკელივა. X ტური
ვილიარივა 3:0 პაპი კაპი

უვალითი
სუპერბიტა
IX ტური
ვასკი 0:1 ანგოლოვსი
ასირისკა 3:2 აბვილაპირი
პიკინი 2:1 იორბიტა
ლანესკროვა 0:0 დობარფორსი
გულიას
II დივიზიონი
გადასასკვლელი ტურნირი
VI ტური
ლომილი 1:4 ანტონიანი
ტუბიცი 2:0 პიპირლი

აქსანაზური მატჩები
პანაპა 2:2 კანაპა
ჩილი 2:0 გვატიმალა
მიდსიკა 1:4 არგინტინა



ზესტაფონის პრესსამშენობის ფოტოები



ზესტაფონი ავროპას ბაკურიანით იწყებს რას იტყვის უეფა სკამის დანახვისას

საპარტიველოს ჩემპიონატი ავგისტოში განახლდება, თუმცა ევროთასებზე გასული გუნდები უკვე იწყებენ მზადებას.

თასის მომგები „ზესტაფონი“ გუშინ ბაკურიანში წავიდა შეკრებაზე, მაგრამ არასრული შემადგენლობით — ბრაზილიელი ედსონ სანტოსის გარდა, ყველა ლეგიონერი სამშობლოშია და უახლოეს დღეებში დაბრუნდება საქართველოში.

იმერულ კლუბში იჯარა დაუმთავრდა გაბონელ მცველ ერნესტ აკუსაგას და იგი რუსთავის „ოლიმპს“ დაუბრუნდება.

ბაკურიანში ფეხბურთელები სამედიცინო შემოწმებასაც გაივლიან.

ამ შეკრებაზე ყურადღება ძირითადად ფიზიკურ მომზადებას დაეთმობა. შემდეგ თემურ მახარაძე გუნდს ურეკში წაიყვანს, ბოლოს კი თურქეთში და საქართველოში საუეფასთასო მატჩებისთვის დაბრუნდებიან.

ზესტაფონში სტადიონის გასაკონსტრუქციად გამაღებული მუშაობაც მიმდინარეობს. მოგეხსენებათ, იმერული კლუბის ხელმძღვანელობას გულში ამოუჭრია, ევროთასზე შინ ითამაშოს და უეფამაც შანსი მისცა, გააგრძელებინათ სტადიონი

და იენისის ბოლოს შევამოწმებთო. თუ მოიწონეს, ზესტაფონელთა წადილი ასრულდება...

ამჟამად სამუშაოებში ჩართულია როგორც ზესტაფონური, ასევე ქუთაისური სამშენებლო კომპანიები, უახლოეს დღეებში კი მათ ამ კარგი საქმის კეთებაში „ზესტაფონის“ გულშემატკივრებიც დაეხმარებიან. ტრიბუნებზე ოთხი ათასი ინდივიდუალური სკამი დამონტაჟდება, გარემონტდება გასახდლები, გაკეთდება თანამედროვე დონის პრესლოჯა... ყველა ზარჯს თავის თავზე კლუბის ხელმძღვანელობა აიღებს.

ნუკრი ლოლაძე



ჩირიკაშვილი არის, სხვები იქნებიან

მოგახსენებთ, ინტერტოტოს თასზე თბილისის „ლოკომოტივი“ ითამაშებს და დედაქალაქელებიც უკვე შეუდგნენ მზადებას.

გიორგი კიკნაძე შევირდებს ჯერ ბურთს არ აკარებს, ორი დღეა, ვაკის პარკში ფიზიკურად ტვირთავს და რამდენიმე დღე ასე გაგრძელდება.

გუნდმა სამედიცინო შემოწმებაც გაიარა.

როგორც „ლოკომოტივის“ ერთ-ერთმა მწვრთნელმა ზაზა ზამთარაძემ გვითხრა, გუნდთან ერთად ერთ-ერთი მწვრთნელია ზაზა ზამთარაძეც.

თი ახალი ფეხბურთელი, ირაკლი ჩირიკაშვილი ვარჯიშობს, რომელმაც გასული სეზონი „ბორჯომში“ ჩამთავრა. ზამთარაძის თქმით, უახლოეს დღეებში რამდენიმე ახალწვეულის ვინაობაც გაირკვევა.

„ლოკომოტივიდან“ ჯერ არავინ წასულა.

ინტერტოტოს თასის პირველ ეტაპზე თბილისელები ლუქსემბურგულ „ეტცელასთან“ პირველ მატჩს 21 იენისის სტუმრად გამართავენ, შინ კი 28 ან 29 იენისის ითამაშებენ.

ნუკრი ლოლაძე

დიას სამზადისი

ქართული საფეხბურთო სეზონი დასრულდა და საუკეთესო ფეხბურთელების გამოვლენის დროც დადგა.

დღეს საქართველოს პროფესიული ფეხბურთის ლიგის ოფისში პრესკონფერენცია გაიმართება, რომელიც „დია 2008“-ის დაჯილდოვებას მიეძღვნება.

„დიას“ ცერემონიალი 9 იენისს, 18 საათზე კოტე მარჯანიშვილის სახელობის თეატრში გაიმართება.

ნუკრი ლოლაძე

ბურდული უტურის ელის

იენის „კარლს ცაიხიდან“ წამოსული ილია კანდელაკი უკვე გრაცშია და დღეს „შტურმის“ ხელმძღვანელობას შეხვდება.


როგორც შევიტყვეთ, დღესვე უნდა გადაწყდეს, რა ვადიანი კონტრაქტი გაფორმდება კლუბსა და ფეხბურთელს შორის, თუ მხარეები შეთანხმებას მიაღწევენ. ცნობილია ისიც, რომ კანდელაკი არანაირ გასინჯვას არ გაივლის ავსტრიულ გუნდში. მეორე ქართველი, რომლის ხილვაც ავსტრიელებს სურთ, ვლადიმერ ბურდული, ამჟამად თბილისშია.

ბურდულს ლუგანსკის „ზარიასთან“ კონტრაქტი დაუმთავრდა და მისი გაგრძელება თავად აღარ ისურვა. ლადოს გუშინ შევეხმიანეთ და გეგმებზე ვკითხეთ...

- ავსტრიულ „შტურმი“ შენი სავარაუდო გადასვლა რა სტადიაშია?
- მოლაპარაკებები მიმდინარეობს, თუმცა როდის წავალ ავსტრიაში, ჯერ უცნობია. წესით, ყველაფერი ამ დღეებში უნდა გადაწყდეს.
- მოლაპარაკებებს ვინ აწარმოებს?
- ჩემი მენეჯერი, რომლის სახელს და გვარს ამჟამად ვერ გეტყვით.
- „ზარიასთან“ კონტრაქტი უკვე დაგიმთავრდა. შემოთავაზებები სხვა კლუბებიდანაც ხომ არ გაქვს?
- ორი უკრაინული კლუბია ჩემით დაინტერესებული, მაგრამ უფრო ევროპისკენ მინდა წასვლა, ან თუნდაც რუსეთში დაბრუნება. იქ ცაცილებით მაღალი დონეა.

მიხეილ შოკოლიანი

ოლიმპი ქალას იკრებს



დავით გიგაური

ბურჯანაძის ფოტო

რუსთავის „ოლიმპს“ ახალი სეზონისთვის მზადება ჯერ არ დაუწყია, თუმცა რამდენიმე ფეხბურთელი უკვე შეიმატა — გიორგი მებრელაძე, კოკა მიკუჩაძე, შოთა ბაბუნაშვილი, გაგა ჩხეტიანი და ლაშა ქებაძე. ასევე რუსთაველ გუნდს დაუბრუნდა გაბონელი ერნესტ აკუსაგა, რომელიც „ზესტაფონში“ იყო იჯარით.

როგორც გუშინ „ოლიმპის“ მთავარმა მწვრთნელმა ზვირაქასრაშვილმა გვითხრა, თბილისის „მერანის“ მცველი დავით გიგაური ახალ სეზონს „ოლიმპში“ დაიწყებს.

გიგაურს თბილისელებთან კონტრაქტი აკავშირებს და რუსთაველები მას იჯარით აიყვანენ.

ნუკრი ლოლაძე





ყენიას ხარისხა და გაძევება



გერმანიაში ვესტფალიის თა-სის ფინალში 19-წლამდე გუნდებს შორის ერთმანეთს „შალკე“ და „დორტმუნდი“ შეხვდნენ. დამატებით დროში შნაიდერის დუბლით თასი დორტმუნდელეებმა მოიგეს.

„შალკეს“ შემადგენლობაში 115 წუთი ითამაშა ლევან ყენიამ, რომელიც ერთ-ერთი საუკეთესო იყო

მოედანზე. ჩვენებურს მატჩის ბე-დის გადაწყვეტა ძირითად დროში შეეძლო, თუმც მისი დარტყმული ხარისხას მოხვდა.

5 წუთით ნაკლები ყენიამ იმი-ტომ ითამაშა, რომ მსაჯისგან წი-თელი ბარათი მიიღო.

მეორე გოლი დორტმუნდელეებმა მისი გაძევების შემდეგ გაიტანეს.

მიხეილ შოროშოლიანი

ბალტიის თასის ქართული ამბები

„ბალტიის თასის“ გათამაშების მეოთხედფინალში ქართველებს თავი არაფრით გამოუჩინათ, მათმა გუნდებმა კი იმძლავრეს და სამივე მათგანს ნახევარფინალში გასვლის კარგი შანსი აქვთ.

ზურაბ მენთეშაშვილის „ვენტსპილსმა“ შინ 3:0 მოუგო „სუდუვას“, ჩვენებური მოედანზე მეორე ტაიმში შევიდა, ერთხელ გოლის გატანაც მართებდა, მაგრამ მიზანმა უმტყუნა.

მეორე ლატვიურმა გუნდმა „სკონტომ“ კი სტუმრად 4:2 მოუგო „ჟა-ლგირისს“. ქართველთაგან ძირითადში ვლადიმერ დვალისვილი თამაშ-ობდა, რომელიც მე-60 წუთზე შეცვალეს. დავით გამეზარდაშვილი თა-დარიგში იყო, ზაალ ელიავა კი განაცხადში რომ ვერ ხვდება, უკვე შევეჩვიეთ.

ლიტვურმა „კაუნასმა“ ასევე სტუმრად იმძლავრა „ეკრანასთან“ — 4:2, თუმცა ქართველების გარეშე აკაკი ხუბუტიას ტრავმა აწუხებს, ნუკრი მანჩხავა კი თადარიგში დარჩა.

მიხეილ შოროშოლიანი

კვარაცხელია 2009



ლიტვური „კაუნასიდან“ ბე-ლორუსულ „მეტზ-რიპო“-ში გადა-სულმა გივი კვარაცხელიამ ახალ კლუბთან კონტრაქტი 2009 წლის ბოლომდე გააფორმა.

შეგახსენებთ, კვარაცხელია სამი სეზონის განმავლობაში თამაშობდა „კაუნასში“ და ორჯერ ლიტვის ჩე-მპიონიც. სამი სეზონის მანძილზე საყრდენმა ნახევარმცველმა 13-ჯერ მოახერხა გოლის გატანა და გუნ-დის ერთ-ერთ ლიდერადაც ითვლ-ებოდა.


მოულოდნელად, კლუბმა ჩვენებ-ურის გასხვისება გადაწყვიტა, თუ-მც გივის ხელმძღვანელობა ნამდ-ვილად არ შეცვლია — „კაუნასი“ და „მეტზ-რიპო“ ერთი პიროვნების, ვლადიმერ რომანოვის საკუთრებაა.

მიხეილ შოროშოლიანი

„დინამო თბილისის“ საფეხბურთო აკადემია 7-8 ივნისს 11.00 — 12.00 საათებში დიღმის საწვრთნელ ბაზაზე აცხადებს 1992-1995 წლებში დაბადებულ ბავშვთა შერჩევას. საკონტაქტო ტელეფონის ნომრები: 52-20-76, 877 49-55-04, 893 28-51-07, 899 26-30-01

თბილისის „ვიტ ჯორჯიაში“ ყოველწლიურად ჩნდება, სულ მცირე, ერთი ახალი ფეხბურთელი, რომლის გამორჩევა მინდორზე ადვილად შეიძლება — იგრძნობ, აი, ესა თუ ის ლიდერი ნაფა გუნდიდან, მის ნაცვლად ეს ახალგაზრდა ბიჭი ითამაშებს და ნაკლები არ იქნებაო. ამ სეზონში ვიტელთა ამგვარი აღმოჩენა ჯაბბ ლიპარტიამ გახლდათ.

ლიპარტია 20 წლის შემტევი, ორივე ფლანგზე თამაშობს და მეორე ფორვარდობაც შეუძლია. ტექნიკური, ციბრუტივით მოტრიალე ბიჭია: რამდენჯერ იყო მეორე ნრეში, შეცვლაზე შევიდა და ძალიან გაამწვავა ვიტელთა თამაში... ჯაბა ზუგდიდშია დაბადებული, „ოდიშის“ ბავშვთა გუნდში იყო, მერე მისი ოჯახი თბილისში გადმოვიდა საცხოვრებლად და ბიჭი „ნორჩ დინამოელში“ აღმოჩნდა...



მუხამადი ჯაბაშვილი

ჯაბა ლიპარტია: იმედი მაქვს, ახალგაზრდულშიც მომეცემა შანსი უფასო თასზე ერთი ეტაპი უნდა გავიაროთ

„ჩემი პირველი მწვრთნელი გე-რონტი ნაჭყებიაა, „ნორჩ დინამო-ელში“ კი ჯერ გელა გომელაურთან, მერე კი ზორბეგ ებრაღიმესთან ვი-ყავი. მერე „ვიტ ჯორჯიას“ ფარმ-კლუბ „საგარეჯოში“ ვიყავი, საი-დანაც „ვიტ ჯორჯია 2“-ში გადა-ვედი, ზოლო ამ სეზონში ძირითად გუნდში ვარ“ — გვითხრა ლიპარ-ტიამ.

ჯაბას ვიტელთა მთავარ გუნდში დამკვიდრება გუნდის 14-მატჩიან მო-გებათა სერიას დაემთხვა. „მწვანე-ებს“ ჩემპიონობის შანსიც გაუჩნ-დათ, თუმც „დინამოსთან“ ფრემ თი-თქმის გადაუწურათ იმედი და სა-ბოლოოდ, მეორე ადგილი და უე-ფას თასის საგზური ირგუნეს...

„ალბათ, ძალა აღარ გვეყო, თო-რემ იღბალი არაფერ შუაშია. „დი-ნამოსთან“ ვერმოგებამ იმედი გაგ-ვიცრუა. „ვიტ ჯორჯიას“ ნამდვი-

ლად შეუძლია, უფასო თასზე ერთი ეტაპი გაიაროს — შეკრული, ფი-ზიკურად კარგად მომზადებული გუნდი ვართ. უცხოურ გუნდებთან თამაშის დიდი გამოცდილება არ მაქვს, მაგრამ რაც თურქულ შეკ-რებაზე ვნახე, ბელარუსის თუ ყა-ზახეთის კლუბებს არაფრით ჩამ-ოგუვარდებით, არც ტექნიკა აქვთ უკეთესი და არც ტყუა. ეგაა, საგ-ოლე მომენტების გამოყენებაში მო-ვიკოჭლებთ“.

ლიპარტია საკუთარ პლუსზე გვი-თხრა, ბურთს ვფლობ კარგადო, და-სახეწევი კი ძალიან ბევრი რამ მაქვს, ვარჯიშებზე ვცდილობ ყველაფრის სწავლასო, ჯაბამ მეორე წრეში სა-მი გოლი გაიტანა და უფრო მეტი საგოლე პასი გააკეთა.

„უმეტესად შეცვლაზე მიწევს თა-მაში, მაგრამ იმედი მაქვს, ძირითა-დშიც მალე დავიმკვიდრებ ადგილს.

მიჭირს თქმა, რომელი იყო ჩემთვის საუკეთესო მატჩი გასულ სეზონ-ში, მაგრამ მინც ვიტყვი: „ოლიმპი-თან“ სტუმრად“.

ლუკა რაზმაძე და გიორგი მელ-ქაძე — ლიპარტიამ „ვიტ ჯორჯი-ადან“ ეს ორი ფეხბურთელი გამო-ჰყო, ზოლო თავისთვის ყველაზე უხერხულ მცველად დინამოელ გუ-რამ კაშიას მიიჩნევს, „ვიტ ჯორჯ-ია“ — „დინამოს“ მატჩში ყველა-ზე კარგად იდგა დაცვაშიო.

11 ივნისს „ვიტ ჯორჯია“ ახალი სეზონისთვის მზადებას დაიწყო, თვის ბოლოს კი უეფასისიწინა უც-ხოური შეკრება იგეგმება — გერ-მანიაში ან ავსტრიაში.

„ცდას არ დავაკლებ, რათა „ვიტ ჯორჯიაში“ უფრო ყოჩაღად ვითა-მამო, მერე კი, იმედი, ახალგაზრდ-ულ ნაკრებშიც მომეცემა შანსი“.

ილია ნანოგაშვილი

ანუიმ პირველობა დათმოთ თეთრაქემ არზიანს ადგილი უნუცვალა

რუსეთის პირველი დივიზიონში ვერ მოიგო მა-ზაჩაყლის „ანუიმ“ და პირველობაც დაკარგა. დაღეს-ტნელები შინ 1:1 ეთამაშნენ „ურალს“ და „როსტოვს“ გადასწრების უფლება მისცეს.

ქართველთაგან სასტარტოში ოთხნი იყვნენ — ვა-ლერი აბრამიძე, ზურაბ არზიანი, გოჩა ხოჯავა და მი-ხეილ აშვეთია, რომელიც 54-ე წუთზე შეცვალეს.

ხოჯავა მატჩის საუკეთესო სამ მოთამაშეს შორის დაასახელა „სპორტ-ექსპრესმა“. დაღესტნური კლუ-ბის ვებგვერდის ცნობით კი, აბრამიძესა და აშვეთიას გამარჯვებით გოლების გატანა შეეძლოთ.

ნამატჩევს ომარ თეთრაძე რამდენიმე ქართველი ფე-

ხბურთელის შეეხო: „არზიანმა დისკვალიფიცირებუ-ლი ავალაროვის ადგილზე ითამაშა. მასთან არანა-ირი პრეტენზია არ მაქვს, მატჩი ღირსეულად ჩაატა-რა, თუმცა ბოლოს დაიღალა და მოედანზე კი არ დარბოდა, დადიოდა. ეს მისთვის უჩვეულო პოზიცი-აზე თამაშის ბრალი მგონია. არც თადარიგში მყავდა ისეთი ფეხბურთელი, დადლილ არზიანს რომ შეცე-ლიდა... რაც შეეხება გიორგი ნავალოვსკის, იგი საქა-რთველოს ნაკრებიდან ტრავმირებული დავიბრუნდა. მისი უახლოეს მატჩებში გვეიმედება“ — აღნიშნა თეთრაძემ.

მიხეილ შოროშოლიანი



ომარ თეთრაძე

ჩემი უნი ვერ გაიშო დანილიაფიუსმა რუსული არ იცის



კუნძულზე კასი დაკუნძულდა

ესპანეთი 1:0 აშშ
1:0 ხავი (78)
მსპანეთი: კასილიასი, მარჩინა, პუილი, კამდევილა (ნაჯარო 51), სერხიო რამოსე, ხავი, ხაბი ალონსო (სენა 46), ფაბრეგასი (არბელაო 83), კასორლა, დავიდ სილვა (დე ლა რედი 56), ფერნანდო ტორესი (გუისა 46)
მწვრთნელი: ლუის არაგონესი
მსაჯე: სოკოლ იარეცი (ალბანეთი)
15 000 მაყურებელი

ლუის არაგონესმა თქვა, რომ მისმა ნაკრებმა პირველ ტაიმში ცუდად ითამაშა და მსგავსი რამ ევროპის ჩემპიონატზე არ უნდა განმეორდეს.

დავიდ ვილიამ მატჩი ტრავმის გამო გამოტოვა და ფერნანდო ტორესს მეწყვილე სილვამ ვილიაობა ვერ გაუწვია. გოლი კი ხავიმ შეაგდო — ოთხ მცველს აჯობა და მეკარესთან პირისპირ გასულმა გაიტანა.

„პირველი ტაიმის შემდეგ ისეთი შთაბეჭდილება დამრჩა, რომ ტორესი სადღაც კუნძულზე მარტო იყო — განაცხადა მწვრთნელმა — ეს, რა თქმა უნდა, ძალიან ცუდია. ამერიკელები ჯანითაც და სისწ-

რაფითაც სჯობნიდნენ. ამის გამო საგოლე შანსი თითქმის არ გვქონია და მალალ ტემპშიც ვერ ვითამაშეთ.

შესვენების შემდეგ ფლანგები უკეთესად გამოვიყენეთ. ფაბრეგასმა და სანტი კასორლამ გამორჩეულად კარგად ითამაშეს, მეტოქე დაიღალა და შედეგად გამარჯვება მოგახერხეთ“.

ესპანეთის ნაკრებმა წაუგებელ მატჩთან სერია 16-მდე გაზარდა, მწვრთნელმა კი ბრძანა:

„ეროვნული გუნდისთვის ისე რა თამაშები არ არსებობს. ამ მატჩმა დამანახა, რომელი ფეხბურთელი როგორ ფორმამა ფიზიკურად თუ ტექნიკურად“.

„მთავარია, რომ არაფერ დაშავდა — თქვა ფერნანდო ტორესმა, რომელიც მეორე ტაიმში გუისამ შეცვალა — თავში ყველას რუსეთთან მატჩი გვიტრიალებდა და ალბათ ამი ტომ არ გამოგვივიდა კარგი პირველი ტაიმი“.

მასხა ხუციშვილი

რუსეთი 4:1 ლიტვა
0:1 სავენასი (24), 1:1 ზორიანოვი (33), 2:1 არშავინი (52), 3:1 პავლოუჩენკო (64), 4:1 ბისტროვი (80)
რუსეთი: მალაფევი, იგნაშევიჩი, ა. ბერეზუცკი (იანბაევი 15), ვ. ბერეზუცკი, კოლოდინი (ზიროკოვი 51), ზორიანოვი (სემშოვი 47), სემაკი (ბილიალდინოვი 48), ტორბინსკი, სირჯევი (ბისტროვი 55), არშავინი, ადამოვი (პავლოუჩენკო 46)
მწვრთნელი: გუს ჰიდინკი
გაფრთხილება: ტორბინსკი, დედურა, ვ. ბერეზუცკი
მსაჯე: პეტერ ზიბელი (გერმანია)
2 850 მაყურებელი

რუსთა ნაკრებმა ზედიზედ მესამე ამხანაგური მატჩი მოიგო, თუმც არც მეტოქეები ჰყოლია ფიფას რეიტინგის ზედა ხუთეულიდან — ჯერ ყაზახებს სძლიეს, მერე სერბებს და ჩემპიონატისთვის მზადება ბურგჰაუზენში, ლიტვასთან შეხვედრით დაასრულეს.

გუს ჰიდინკმა შვიდი კაცი შეცვალა სერბეთთან ნათამაშები შემადგენლობიდან და ერთი ცვლილება პაველ პოგრეზნიაკის ტრავმით იყო გამოწვეული. რუსეთს მეკარე გაბულოვიც დაშავებული ჰყავს, ლიტვასთან კი მცველი ალექსეი ბერეზუცკი მეთოთხმეტე წუთზე მოედინიდან გასაყვანი გახდა — დანილიაფიუსმა ილაყვით წარბი გაუხეთქა.

აქვე ვთქვათ, რომ ნოემბრის შემდეგ ნაკრებში პირველად ითამაშა ანდრეი არშავინმა.

„კარგი მატჩი გამოვიდა, თუ არ ჩავთვლით იმას, რომ მეტოქე ფეხბურთელები ილაყვებს ძალიან მაგრად იქნევდნენ — თქვა წარბაზხეთქილის ძმამ ვასილმ — თამაშმდე ვთხოვეთ, უხეშობა არ იყოს თქო, მაგრამ ზოგმა, ეტყობა, ვერ გაიგო“.

გუნდის კაპიტანმა სერგეი სემაკმა განაცხადა:

„საწყის ოც წუთში თამაში არ გამოგვივიდა, რაც ვარჯიშებზე დი-



ლიტველთა განადგურებას წერტილი ვლადიმერ ბისტროვმა დაუსვა

დი ფიზიკური დატვირთვების ბრალია. მერე კი გახურდა კუნთები და ოთხი გოლიც გავიტანეთ. დაცვაში რამდენიმე შეცდომის გამო, გულშემატკივრებს ვთხოვ, ნუ ინერვიულებენ. უფრო ძლიერ გუნდთან უკეთესად ვითამაშებთ“.

გუს ჰიდინკი: „ამ მატჩში შანსი მივეცი რამდენიმე ფეხბურთელს, რომლებსაც იშვიათად ვათამაშებ. მინდოდა, პრაქტიკა მიეღო. ბე-

ვრი შეცდომები გვქონდა და გამოსასწორებლად დიდი შრომა მოგვიწევს.

ამხანაგურ შეხვედრაში გამარჯვებას ნუ გავაბუქებთ და რეალისტებად დავრჩეთ. შეიძლება, დიდი სხვაობით მოიგო, მაგრამ განსაკუთრებული ვერაფერი აჩვენო და შეიძლება, რომ 0:1 წაგებულ მატჩში გუნდის პროგრესი შეიმჩნეოდეს“.

მასხა ხუციშვილი

ქაბზროტას ფიქრები



„მილანის“ ახალწვეული ჯანლუკა ძამბროტა გახარებულია „როსონერიში“ გადასვლით და სამომავლო გეგმებს აწყობს.

„ბოლომდე დავინარჯები და რაც შემეძლება, გავაკეთებ, რათა „მილანთან“ ერთად ყველაფერი მოვიგო. ძალიან კმაყოფილი და ბედნიერი ვარ, რომ სამშობლოში ვბრუნდები და მომავალ სეზონს კვლავ სერია A-ში გავატარებ, თან ისეთი კლუბის მისუროთ, როგორც „მილანია“. აქ გადმოსვლის შანსი ორჯერ მქონდა და ეს ტრანსფერი შედეგა კიდევ „მილანს“, რამდენიმე წელია, სკუდეტო არ მოუგია და მომავალ სეზონში ჩემი მთავარი მიზანიც იტალიის ჩემპიონობა იქნება“ — თქვა 31 წლის ძამბროტამ.

გიორგი კაკაბაძე

AMERITECH-ის აქცია
ევრო 2008 JVC-თან ერთად!

JVC
The Perfect Experience

აქცია I ივნისიდან I ივლისამდე

შეიძინე ტექნიკა Ameritech-ის მაღაზიათა ქსელში, დააგროვე გოლები და გახდი უზრუნველყოფით აქციის „ევრო 2008 JVC-თან ერთად“ მონაწილე!

II აქცია

დააგროვე 1500 გოლი — ამთირიყე და მიიღე მაღაზიაში შემოთავაზებული 10-ზე მეტი დასახელების საჩუქრიდან ერთ-ერთი.

III აქცია

დააგროვე 2500 გოლი — მიიღე 2 კაციანი აბონიმენტი ელიტარულ სპორტ კაფეში ევრო 2008-ის ნახევარფინალური 2 მატჩისა და ფინალური მატჩის საყურებლად დიდ კარანზე.

აბონიმენტში შედის მენიუ. აბონიმენტი გაციება 1-დან 23 ივნისამდე!!!

1 ცარი = 1 გოლი

ამერიტეჩის მაღაზიათა ქსელი:
აღმამენებლის ხეივანი 1/1, ტელ.: 51 73 88;
ვაჟა-ფშაველას გამზ. 39, ტელ.: 391095;
თამარ მეფის გამზ. 5, ტელ.: 943054;
სპრინტ ცენტრი: 0.6306018 1315; ტელ.: 31 32 52

ამერიტეჩი AMERITECH



ევროპის 2008 წლის ჩემპიონატი

მწველი. საბერძნეთი

მეფე ოტო და მოქმედი ჩემპიონები

ევროპის მოქმედ ჩემპიონ საბერძნეთს, ცხადია, ტიტულის დაცვა უნდა. ბუნებრივია, ბერძნებს დიდად სერიოზულად არ უყურებენ და ფავორიტად არ მიიჩნევენ, მაგრამ 2004 წელსაც ასე იყო და როგორ დამთავრდა მაშინ ყველაფერი, კარგად იცით. იმ და ამ ნაკრებებს შორის კი თითქმის არანაირი სხვაობა არ არის.

შესარჩევი ეტაპი ბერძნებმა კარგად გაიარეს. მათ 31 ქულა მოაგროვეს, ამდენი ქულისთვის სხვა არც ერთ ნაკრებს არ მოუყრია თავი.

ცოტა ხნის წინ რეჰაგელმა საბერძნეთის ფეხბურთის ფედერაციასთან კონტრაქტი 2010 წლამდე გაახანგრძლივა. მისი კვლავ ძალიან ეიმედებათ და გერმანელი სპეციალისტისგან მორიგ სასწაულს ელიან. „მეფე ოტო“ სექტემბერში 70 წლის გახდება. ბერძნების ჯგუფშივე მყოფი ესპანეთის თავკაცთან ლუის არაგონესთან ერთად იგი

ევრო 2008-ის ყველაზე მსცოვანი ტაქტიკოსია.

რეჰაგელმა, რომელსაც ტიტულები არ აკლია, გამარჯვებისკენ მიმავალი გზა კარგად იცის. ბოლო პერიოდში იგი ბერძნებს კლასიკური 4-4-2-ით ათამაშებს. ოთხივე ნახევარმცველი უფრო დაცვაზე და ჩაშლაზე ორიენტირებული, ვიდრე შეტევაზეა და შექმნაზე. ასე რომ, საბერძნეთის დაცვის გარღვევა ადვილი როდია.

ბერძნების გამორჩეული მოთამაშე სიტირის კირიაკოსია, რომელმაც ევრო 2004 ტრავმის გამო გამოტოვა. მის დასახსნადად ორი მაგალითის მოყვანაც კმარა — ნორვეგიასთან შესარჩევი ეტაპის მატჩში აყლაყულა ცენტრალურმა მცველმა დუბლი გაახერხა და საპაერო ორთაბრძოლების 90 პროცენტზე მეტი მოიგო.

საბერძნეთში კირიაკოსი მეორე სახელიან ცენტრალურ მცველზე, ტრაიანოს დელასზე პოპულარუ-

ლია. მათი საერთო სიმაღლე 3,89 მეტრია. ამ მხრივ ისინი მხოლოდ გერმანელების დაცვის ცენტრის წევრებს, პერ მერტეზაკერსა და კრისტოფ მეცელდერს ჩამორჩებიან.

სიურპრიზისა რა მოგახსენოთ, ბერძნები ორგანიზებულ, გუნდურ ფეხბურთს თამაშობენ, ყველას თავისი ადგილი აქვს და მათგან განსაკუთრებულ სიახლეებსა თუ ფანტაზიურ თამაშს არ უნდა ველოდოთ. მით უმეტეს, რომ ნაკრებში აღარ არის თეო ზაგორაკისი.

ცოტა მოულოდნელი იყო განაცხადში „ოფი კრეტას“ მეკარის ალექსანდრო ცორვასის მოხვედრა. თუმცა მხელად სავარაუდოა, ბერძნები ისეთ ფორსმაჟორში ჩაცვივდნენ, რომ მას თამაში მოუხდეს. ნაკრებს ხომ უბერებელი ანტონის ნიკოპოლიდისი და ასევე კოსტას ხალკიასი ჰყავს.

მთავარი პრობლემა კრეატიული მოთამაშის არყოფაა. როგორც აღვნიშნეთ, რეჰაგელის შევირდებს ფანტაზია აკლიათ და შეტევების ორგანიზატორი არ ჰყავთ. ანგელოს ბასინასი, კონსტანტინოს კაცურანისი, გეორგიოს კარაგუნისი და სხვანი, ჩაშლაში უკეთესები არიან. ფორვარდები კი ერთმანეთს, შესაძლოა, თვალდახუჭულნი უგებდნენ, მაგრამ იერიშების წამოწყება ნაკლებ ეხერხებათ.

სწორედ ასეთი, ფანტაზიითა და შექმნის ნიჭით დაჯილდოებული ფეხბურთელია „პანათინაიკოსის“ აღზრდილი სიტირის ნინისი. ამ ნახევარმცველს ნაკრებში სადებიუტო მატჩში გოლის გასატანად მხოლოდ 5 წუთი დასჭირდა. ფანები მისით აღფრთოვანებულნი იყვნენ, მაგრამ რეჰაგელმა ახალგაზრდული ნაკრების ვარსკვლავი ავსტრია-შვეიცარიაში მაინც არ წაიყვანა. ბერძნების მთავარი დანაკლისი ალბათ სწორედ ისაა. სავარაუდოდ, „მეფე ოტოს“ ნინისის განაცხადს მიღმა დატოვებას არაერთხელ შეახსენებენ.

სხვათა შორის, 2004 წელს ბერძნებმა ფინალში მასპინძელ პორტუგალიას მოუგეს, ისევე, როგორც გახსნის მატჩში. პორტუგალიის გარდა, საბერძნეთს ჯგუფში ესპანეთი და რუსეთი ჰყავდა...

ესპანეთი, რუსეთი და საბერძნეთი კვლავაც ერთად არიან. ოღონდ მეოთხე ნაკრები შევლეთა და არა პორტუგალია. შეგახსენებთ იმასაც, რომ ევრო 2004-ზე რეჰაგელის შევირდებმა მხოლოდ ერთი მატჩი წააგეს, ჯგუფური ეტაპის მესამე შეხვედრა რუსეთთან (1:2), როცა მეოთხედფინალის საგზური უკვე განადიდებული ჰქონდათ.

„ევროპის მოქმედი ჩემპიონები ვართ და ჩვენი დამარცხება ყველას უნდა, თუმცა საბრძოლველად მზად ვართ“ — თქვა რეჰაგელმა.

გიორგი კაკაბაძე



სიტირის კირიაკოსი და იონის ამანატიდისი

არის ასეთი ძვეყანა

როგორ შეიძლება, ქვეყანა ასე მართლმადიდებლური და რადიკალურად ქრისტიანული იყოს, როცა წარსულში ერის გონებას ზევსის კაპრიზული პანთეონი მართავდა? თურმე შეიძლება, რადგან დროს ზევსის დამარცხებაც შესძლება, საბერძნეთის ისტორიის პირველი წლებიდან დღემდე კი იმხელა დრო გავიდა და ატიკა-პელოპონესის მიწაზე იმდენმა საბრძოლო დროშამ ჩაიარა, რომ ერის ასეთი მეტამორფოზა სულაც არაა გასაკვირი. რაც თურქებმა ბიზანტია შუა საუკუნეების რუკიდან წაშალეს, მას მერე ბერძენთა თვითიდენტიფიკაციის მძლავრ იარაღად იქცა ქრისტიანობა. და ზევსი? ის და მისი კანონიერი თუ უკანონო შვილები ისედაც მივიწყებული იყვნენ და მერე ხომ საერთოდ ვიღას გაახსენდებოდა, ქვეყანა გასათავისუფლებელი იყო.

საბერძნეთი 1821 წელს გამოეხსნა ოტომანთა იმპერიას. მანამდეც და მერეც ბერძნები დადიოდნენ და დადიან ათონის მთაზე სალოცავად და ისწავლეს თანამედროვეობასთან ჰარმონიაში ცხოვრება, მაგრამ არც მათ და არც ევროპას არ ავიწყდება მათ წარსული, თუ სად დაიწყო ევროპული კულტურის აკვანი. დემოკრატიის, დასავლური ფილოსოფიის, დასავლური ლიტერატურის, დრამატურგიის, ისტორიოგრაფიის, მათემატიკის, პოლიტოლოგიის და კიდევ მრავალი „გრაფიის“ თუ „ლოგიის“ მშობელი ძველი ბერძნების მემკვიდრეებს საამაყო ძააღიან ბევრი აქვთ და კიდევ ამაყობენ. და ძალიან სწყინთ, როცა ათენში მუხლის გასაშლელად თუ სავაჭროდ ჩასული უცხოელები აკროპოლისის სვეტებს მხოლოდ ნანგრევებად აღიქვამენ. 23 საუკუნის წინ დღისით-შისით ხელში სანთლით მოსაარულე დიოგენემ იქნებ ამ სვეტებშიც შეიარა? ჩემი სუბიექტური აზრით, მარტო ამ კაცის გამო უნდა მიაგო ერს პატივი.

ისე, ჩვენ კი მოვუტაცეს ოქროს საწმისი და...

იკაპლი ფიჩაფილი



ოტო რეჰაგელი

მოგვწერეთ თქვენი პროგნოზები და მოსაზრებები, ვის გულშემატიკრობთ და რატომ. შემდეგ კი თქვენს წერილებს „სარბიელში“ სხვებიც წაიკითხავენ

euro_fan_2008@yahoo.com



ევროპის 2008 წლის ჩემპიონატი

D ჯგუფი. მესამე ტურის შედეგები

აშისბან ხეირს ნუ ელი

მსოფლიოს ჩემპიონატის ვერცხლოსანი (1958) და ორგზის (1950, 1994) ბრინჯაოსანი შვედეთი ასეთივე წარმატებით ევროპის ჩემპიონატებზე ვერ დაიტრიალებს.

ისევე, როგორც ახლა ავსტრიამ, შვედეთმა მანამდე ვერ ითამაშა ევროჩემპიონატზე, სანამ 1992 წელს მასპინძლობა არ ერგო და დებიუტანტმა მამინ ნანუჯარფინჯლს უწია, სადაც გერმანიასთან დამარცხდა.

მომდევნო (1996) ტურნირზე შვედები ვერ გავიდნენ, 2000-ში ჯგუფში ჩარჩნენ, ხოლო 2004 წელს, პორტუგალიაში, მეოთხედფინალში პოლანდიასთან პენალტებით დამარცხდნენ.

ევრო 2008-ის საგზური სკანდინავიელებმა ბოლო ტურში ლატვიასთან მატჩით (2:1) გაინადღეს, შესარჩევი ეტაპი კი ზედიზედ ოთხი მოგებით დაიწყეს.

შარმან მარტში სტუმრად ჩრდილოეთ ირლანდიასთან წააგეს, მერე კი დანიასთან ტექნიკური მოგება მიითვალეს. კომპენზაციებში ამ გუნდების მატჩისას (3:3-ზე), მოედანზე მასპინძელთა ქომაგი შევარდა და მსაჯის მიბეგვა მოინდომა, რადგან არბიტრმა დანიელთა კარში პენალტი დანიშნა. თამაში შეწყდა და დანიას 0:3 წაგება ჩაეთვალა.

შვედებს ევროჩემპიონატის საგზურის მოპოვება შესარჩევის დასრულებამდე ორი ტურით ადრეც შეეძლოთ, მაგრამ შინ ჩრდილო-ირლანდიელების დამარცხება ვერ

მოახერხეს, მერე კი ესპანეთში 0:3 წააგეს.

საკვირველია, რომ იბრაჰიმოვიჩის 10 საკვალიფიკაციო მატჩში ერთი გოლიც არ გაუტანია, „ინტერის“ მაისურით კი იტალიის ჩემპიონატში 17 შეაგლო. ევრო 2004-ზე ზლატანმა ორი გოლი მიითვალა. ერთი ბულგარეთთან პენალტით, მეორე და არაჩვეულებრივი — იტალიასთან, რის გამოც „იბრაჰიმოვიჩი“ შეარქვეს.

აქვე გავიხსენოთ, რომ ევროპის პორტუგალიურ ჩემპიონატზე მეოთხედფინალში პენალტების სერიისას პოლანდიასთან ვერ გაიტანა და შვედეთი ამიტომ დამარცხდა.

ერთ-ერთმა შვედურმა სააგენტომ გამოკითხვა ჩაატარა გულშემატკივრებში და 14 ათასი კაციდან 24-მა პროცენტმა თქვა, რომ იბრაჰიმოვიჩისგან ამ ჩემპიონატზე ხეირი არ იქნება.

2006 წლის სექტემბერში, ლიხტენშტაინთან შესარჩევ მატჩამდე შეკრებისას, „იბრა“, ვილჰელმსონი და მელბერგი ბაზიდან ღამის კლუბში წაბრძანდნენ და გვიან დაბრუნდნენ.

მწვრთნელმა ლარს ლაგერბაკმა სამივე მოქიფე შეკრებიდან დაითხოვა. მელბერგმა და ვილჰელმსონმა მოიბოდიშეს, იბრაჰიმოვიჩი კი გაჯიუტდა და ისლანდიასთან და ესპანეთთან მომდევნო მატჩებისთვის ნაკრებში თამაში იუარა. მერე, თებერვალში ეგვიპტესთან ამხა-

ნაგურიც გამოტოვა, მაგრამ ერთი თვის შემდეგ მოლბა და 2007-ის მარტში ისლანდიასთან ითამაშა. იბრაჰიმოვიჩმა უგოლოდ კი ჩაატარა შესარჩევი, მაგრამ გუნდის ერთ-ერთ ლიდერად მაინც რჩება 36 წლის ჰენრიკ ლარსონთან ერთად. ლარსონი ორჯერ დაემშვიდობა ნაკრებს და ორჯერვე დაბრუნებაზე დაიყბულებს. სანაკრებო კარიერა პირველად 2002 წელს დაასრულა, მაგრამ ევრო 2004-სთვის ისევ უზმეს და პორტუგალიაში ოთხ მატჩში სამი გოლი შეაგლო. მას მსოფლიოს სამ (1994, 2002, 2006) და ევროპის ორ (2000, 2004) ჩემპიონატზე გაუტანია. 2006 წლის ივლისში ლარსონი ეროვნულ გუნდს მეორედ დაემშვიდობა, მაგრამ ექვსი თვის შემდეგ ლარს ლაგერბაკმა კვლავ გაჭრობა დაუწყო დაბრუნებაზე. საბოლოოდ, ერთი თვის წინ, მისის დასწყისში, ფორვარდმა დასტური თქვა და მესამედ ითამაშებს ევროპის ჩემპიონატზე.

შვედთა თავაკაცი ლარს ლაგერბაკი გუნდში 1997 წლიდან მუშაობს. თავიდან მთავარი მწვრთნელის, ტომი სოდერბერგის ერთ-ერთი თანაშემწე იყო, 2000-ში კი მეორე კაცი გახდა და ერთად გუნდი ჯერ მსოფლიოს 2002 წლის ჩემპიონატზე, მერე კი ევრო 2004-ზე გაიყვანეს.

ევროპის ჩემპიონატის შემდეგ სოდერბერგი წავიდა და ლაგერბაკი მთავარ მწვრთნელად დანიშნეს. უკვე გამოცდილმა კაცმა, ნაკრები მსოფლიოს 2006 წლის ჩემპიონატზე ათამაშა და აგერ ავსტრია-შვეიცარიისკენაც გზა გაიკვალა. ლარს ლაგერბაკმა ნაკრებს 11 წელი შეაღია და ევრო 2008-ის შემდეგაც გუნდში დარჩება.

შვედეთი ზედიზედ მეხუთედ ითამაშებს დიდ ტურნირზე და მწვრთნელი ნაცად ტაქტიკას ალბათ არ უღალატებს. ლარსონის დაბრუნებამ გუნდის შემტევი ხაზი უფრო გააძლიერა. ძირითად შემადგენლობაში იბრაჰიმოვიჩი და ლარსონი იქნებიან, მარკუს ოლბაკი, იოჰან ელმანდერი და მარკუს როზენბერგი — სათადარიგონი.

ნახევარდაცვის ცენტრში, სავარაუდოდ, სებასტიან ლარსონი და კალსტრიომი ითამაშებენ, ფლანგებზე კი ლიუნგბერგი და ვილჰელმსონი.

დაცვაში გამოცდილი, 30 წელს გადაცილებული ოთხეულია: ნილსონი, პანსონი, მელბერგი და ალექსანდერსონი.

ლარს ლაგერბაკის მთავარი პრობლემა მეკარეა, რადგან ანდრეას ისაკსონს „მანჩესტერ სიტში“ სათამაშო პრაქტიკა არ ჰქონდა.

შვედებმა წლეულს ექვსი ამხანაგური მატჩი გამართეს: კოსტა რიკას და სლოვენიას ერთნაირი ანგარიშით (1:0) მოუგეს, ბრაზილიასთან და უკრაინასთან ასეთივე ანგარიშით დამარცხდნენ, აშშ-სთან 0:2 წააგეს და თურქეთს უგოლოდ დაუზავდნენ.

გაზა ხუციშვილი



ზლატან იბრაჰიმოვიჩი

არის ასეთი ქვეყანა

მარქსი, ენგელსი, ლენინი, სტალინი, სხვადასხვა ფერის არმიები, რებრესიები, დებრესიები და ასეთი მამაძაღვლები სულ არ დასჭირვება შვედეთს, თავის საზღვრებში კომუნიზმი რომ გაემართა, ოლონდ ჩვენთვის ამ დაწყველილი სიტყვის მხოლოდ და მხოლოდ კარგი გაგებით. იმას, რასაც კაპიტალიზმის წინააღმდეგ შთაგონებული სახეებით ამხედრებული „ბელადები“ ძალით ატენიდნენ ჯერ მსოფლიოს ერთ მეექვსედს, შემდეგ კი ღამის მთელ მსოფლიოს, შვედეთმა მათი სისხლიანი მეთოდების და ვითომ ჭკვიანური ნაბოდიხების გარეშე მიადწია — შექმნა ქვეყანა, სადაც ყველას ყველაფერი აქვს და ყველასთვის ყველაფერი ხელმისაწვდომია — შექმნა კომუნიზმი კაპიტალიზმში, შექმნა უსისხლოდ, მართლა შრომით და მართლა ჭკვიანურად.

და აღარავის ახსოვს, რომ შუა საუკუნეებში შვედები სისხლის ზღვაში აბანავებდნენ მთელს ჩრდილოეთ ევროპას. ძველი ვიკინგები ომს ჯერ კიდევ გასულ, 20-საუკუნემდე გადაეჩვენენ, მერე მსოფლიო ომშიც განზე იდგნენ და პირდაპირ გაკრისტალებულები ამოვიდნენ იმ მღვრიე მდინარიდან. დღეს შვედეთი მშვიდობიანი, ნეიტრალური ქვეყანაა, სადაც თითქმის არავის აწუხებს საყოფაცხოვრებო და სოციალური პრობლემები. შვედი კლერკისთვის ცხოვრებაში ყველაზე დიდი პრობლემა — გაგეცინებათ და — სამსახურთან მანქანის დაყენებაა. სტოკჰოლმის ძალზე გადატვირთულ ქუჩებში მანქანებს ნომრების მიხედვით აქვთ მოძრაობის უფლება: კენტ-ნომრიანები კენტ დღეებში დადიან, ლუწიანები კი ლუწიანებში გამოდიან. ზემოთხსენებები „კომუნიზმის“ ერთადერთი ნაკლოვანებაც ესაა: მათი ცხოვრების წესი ბევრზე ბევრ წეს-ჩარჩოს შეიცავს. მეზობელი ნორვეგიელები ამის გამო კიდევ დასცილნან, გადაჭარბებით წესიერებსაც უწოდებენ. ოლონდ, გეთაყვა, ამ წესრიგობიანის ბიუროკრატიაში ნუ აურევთ.

ირაკლი ზირაშვილი



ლარს ლაგერბაკი

მოგვწერეთ თქვენი პროგნოზები და მოსაზრებები, ვის გულშემატკივრობთ და რატომ. შემდეგ კი თქვენს წერილებს „სარბიელში“ სხვებაც წაიკითხავენ

euro_fan_2008@yahoo.com





ევროპის 2008 წლის ჩემპიონატი

D ჯგუფი. რუსეთი

ჰილინკის მანქანა

რუსეთის ნაკრების გზა ფინალურ ეტაპამდე ძალიან დაძაბული და დრამატული გახლდათ. შესარჩევი ეტაპის დასრულებამდე 2 ტურით ადრე, გუს ჰილინკის შევირდებს საგარეო მატჩებში უმოტივაციო ისრაელსა და ანდორასთან მოგება სხვა მატჩების შედეგების მიუხედავად ჰყოფნიდათ ავსტრია-შვეიცარიაში მოსხვედრად.

ჰილინკა თქვა, ისრაელში წაგება უბრალოდ შეუძლებელიაო, მაგრამ რუსებმა ეს შეძლეს და 1:2 დამარცხდნენ. ამის მერე, ცოტა ვინმე თუ ელოდა, რომ ისინი ფინალურ ეტაპზე მოხვდებოდნენ, მაგრამ ინგლისმა სენსაციურად წააგო საკუთარ „უემბლიზე“ ხორვატიასთან (2:3), რუსეთმა კი ანდორასთან იწვალა, მაგრამ ათი კაცით, დმიტრი სიჩოვის ერთადერთი გოლით, მაინც მოიგო და ფინალური ეტაპის საგზური მოიპოვა.

მიუხედავად ყველაფრისა, რუსების ამ მიღწევას დაუმსახურებელს და შემთხვევითს ვერაფრით ვუწოდებთ, რადგან მათ მშვენიერი ნაკრები ჰყავთ, რომელიც საკმაოდ

განიზებული და კარგ ფეხბურთს თამაშობს. მთავარი პრობლემა არასტაბილურობაა.

ჰილინკის გამოცდილებაზე და წარმატებებზე საუბარი ძალიან შორს წაგვიყვანს, სათქმელი ბევრია. რა გავისწინოთ? ჰოლანდიასა და კორეასთან ერთად მსოფლიოს ჩემპიონატის ნახევარფინალში გასვლა, პსე-სთან ერთად მოგებული ჩემპიონთა ლიგა თუ მისი კიდევ არაერთი წარმატება და ტიტული? ცხადია, ეს ყველაფერი კარგად იცოდნენ რუსული ფეხბურთის „მამებმა“ და ჰოლანდიელი სპეციალისტი სწორედ ამიტომ დანიშნეს ნაკრების მწვრთნელად. არც შემცდარან, შედეგი სახეზეა — გუნდი რთული ვაკუფიდან გავიდა ევრო 2008-ის ფინალურ ეტაპზე და თავის ვაკუფში აუტსაიდერად სულაც არ ითვლება.

რუსი მწვრთნელების წარუმატებლად მუშაობის შემდეგ, პოსტზე მოსულმა ჰილინკმა ნაკრები ერთ მუშტად შეკრა და შედეგის მომტან, საკმაოდ კარგ „მანქანას“ დაამსგავსა. ტაქტიკის გადაწყობა-გადმოწყობა

ჰოლანდიელს არ ესწავლება და ფეხბურთელებიც აძლევენ ამის საშუალებას. თუმცა ძირითადად იგი რუსეთს 4-5-1 სქემით ათამაშებს. არცაუ იშვიათად იყენებს 3-5-2-საც.

რუსებს ჩინებული მეკარეები ჰყავთ, დაცვაშიც საკმაოდ ორგანიზებული არიან, მობილური ნახევარდაცვა კი, შეძლებისდაგვარად, მცველებსაც ეხმარება და ცხადია, გამოკვეთილ ფორვარდსაც.

დაცვაში აქცენტები კვლავ არმიელებზე სერგეი იგნაშევიჩისა და ძმებ ვასილი და ალექსეი ბერეზუცკებზე კეთდება. მეოთხე მცველი ზენიტელი უნივერსალი ალექსანდრ ანიუკოვა. ნებისმიერი მათგანის შეცვლა მშვენიერად შეუძლია დენის კოლოდინს.

ნახევარდაცვას შეგვიძლია რუსების ყველაზე ძლიერი რგოლი ვუწოდოთ. ცენტრში, როგორც წესი, იგორ სემშოვი და 2007 წლის რუსეთის საუკეთესო ფეხბურთელი კონსტანტინ ზირიანოვი არიან. შემტეველად ჰილინკს ბილიალეტდინოვს, ბისტროვს, ჟირკოვს, ტორბინსკისა და სხვებს შორის უწევს ხოლმე საუკეთესოების არჩევა.

რუსების მთავარი ყურადღება ახლდა პაველ პოგრებნიაკისკენა მიმართული. „ზენიტის“ ფორვარდი ცოტა ხნის წინ დაშავდა და ევრო 2008-ზე მისი თამაში ეჭვქვეშაა.

ეს ჰილინკისა და მისი ამალითვის ორმაგად გულდასაწყვეტია, რადგან რუსების მთავარი ვარსკვლავი ანდრეი არშავინი, რომლისგანაც ძალიან ბევრს ელიან, დისკვალიფიკაციის გამო პირველ ორ მატჩში ვერ ითამაშებს.

თუმცა ფანების გარკვეულ ნაწილს დიდად არ ანადვლებს პოგრებნიაკის ტრავმა — სპარტაკელი რომან პავლიუჩენკო უფრო მრავალმხრივია და ძირითადად ის უნდა იყოს.

ნაკრებში მოხვედრაზე პრეტენზია ჰქონდათ ალექსანდრ კერჟაკოვს, ალექსანდრ პავლუნკოს, რენატ იანბაევსა და კიდევ რამდენიმე ფეხბურთელს, მაგრამ ჰილინკი, ცხადია, ყველას ვერ გამოიძახებდა. ყველაზე დიდი მითქმა-მოთქმა კერჟაკოვის განაცხადს მიღმა დატოვებამ გამოიწვია, მაგრამ „სევილიას“ ექსთავ-დამსხმელს სათამაშო პრაქტიკა აკლდა და არცთუ კარგ ფორმაში გახლდათ.

რუსებს საკმაოდ ახალგაზრდული შემადგენლობა ჰყავთ. ფეხბურთელების საშუალო ასაკი 25,7 წელია.

კიდევ ერთი რამ, რითაც რუსები სხვებისგან ამკარად გამოირჩევიან, ის გახლავთ, რომ ლეგიონერები ფაქტობრივად არ ჰყავთ. 23 ფეხბურთელიდან 22 ეროვნულ ჩემპიონატში თამაშობს. ერთადერთი „უცხოელი“ გერმანული „ნიურნბერგის“ ფორვარდი ივან საენკო გახლავთ.

კომი კანდელაკი



გუს ჰილინკი

არის ასეთი ქვეყანა

ერთ ამერიკელ ვარსკვლავს ჰკითხეს, თუ იცის სად არის რუსეთი, არ ვიციო, უპასუხა. არც აინტერესებდა, არც სჭირდებოდა ამის ცოდნა. ნეტავ, ჩვენთვისაც ისე შორეული და უსარგებლო ყოფილიყო ეს ყველაფერი...

ჩვენი მორაგებები რუსებს რომ ეთამაშებოდნენ და მაყურებელმა მათ ჰიმნს უსტვინა, იმათ უფრო გაუკვირდათ, ვიდრე ეწყინათ — საიდან ასეთი დამოკიდებულებაო. მეტოქეები კი იყვნენ, მაგრამ ბიჭები მეგობრობდნენ და მოედანს გარეთ ნამდვილად არ მტრობდნენ ერთმანეთს. ასეა, ჩვეულებრივ უდანაშაულო რუსს უკვირს ჩვენგან ასეთი სიძულვილი, რადგან ახსოვს, როგორ ჩამოდიოდა სტუმართმოყვარე „ზაკავკაზიაში“, აქაურ სუფრაზე ღვინოს მიირთმევდა და ქართველთან ხელისხელგადახვეული სიძლიერას ცდილობდა (ვერკი გამოსდიოდა). ქართველებიც ჩადიოდნენ მოსკოვში, იყო ერთი ამბავი, მოკლედ, არ გვიჭირდა საერთო ენის გამონახვა და ახლა ასე რომ ვერ ვგუობთ ერთმანეთს, ალბათ ჩვენი მთავრობების ბრალიაო — მგონი, ასე უნდა ფიქრობდეს, ვთქვათ, ვლადიმირელი, ან ჩელიაბინსკელი.

ჰო, ოდნოდ ჩელიაბინსკელი არ იდგა 1989 წლის 9 აპრილს რუსთაველის პროსპექტზე, 1993 წელსაც არ მოუწევდა კოდორის ხეობის ამოვლა და არც ხრუშოვის დორბლანი ღრიალი ეხსოვება, კახეთიდან აყრაზე და ყაზახეთში გადასახლებაზე... სხვას კი არაფერს გვერჩოდა შაჰ-აბასი.

ჯერ ის ვითომ ცისფერი ჩაფხუტები მოაშორონ აქაურობას და მერე ჩვენც იქნებ დავივიწყოთ ცისფრებიც და წითლებიც. ვინ იცის, სუფრასთანაც ისევ მოვიწვიოთ, ჯერ კი რუსეთი ჩვენთვის დამპყრობელია და არა კეთილი მეზობელი. იყიდოს ჩვენგან სამი ლიტრა ღვინო და მეოთხე იქნებ ვაჩუქოთ, იმ თავისი სალდაფონა ჩექმებით კი რუსეთის საზღვრებს შიგნით იბოდილოს რამდენიც უნდა, თავისი ქვეყნის სიფართოვეს ასე უკეთ შეიგრძნობს.

ინაკლი ფირაფხილი



ანდრეი არშავინი

მოგვწერეთ თქვენი პროგნოზები და მოსაზრებები, ვის გულშემოტივობთ და რატომ. შემდეგ კი თქვენს წერილებს „სარბიელში“ სხვებაც წაიკითხავენ

euro_fan_2008@yahoo.com

მორატის მპრინიუსი სჯარა



იტალიური „ინტერის“ პრეზიდენტმა მასიმო მორატმა თქვა, რომ გუნდის ახალ მწვრთნელ ჟოზე მურინიუს ბოლომდე ენდობა. მას სჯერა, რომ პორტუგალიელი სპეციალისტის ხელში „ინტერში“ დიდ წარმატებებს მიაღწევს.

გიორგი კაპაბაძე

მსაჯებმა თორმეტაგადა გაითვალეს

ასე და ამგვარად, ევროპის ჩემპიონატის გახსნის მატჩს იტალიელი უმსაჯეს — შაბათს, ბაზელში, თანამასპინძლის, შვეიცარიისა და ჩეხეთის შეხვედრას თორმეტო მატჩი გაუძღვება.

რტუგალიისა და საბერძნეთს შორის როზეტის დიდმა თანამემამულემ პირლუიჯი კოლინამ იმსაჯა. როზეტის ასისტენტები იქნებიან ალესანდრო გრიზელი და პაოლო კალჩანიო. ამ შეხვედრის მეოთხე მსაჯად ფრანგი სტეფან ლანუა დაინიშნა.

პეტერ ვინკი იმსაჯებს: ვენაში ხორვატია ავსტრიას უნდა შეხვდეს. დღეისათვის ევრო 2008-ის პირველი თორმეტი მატჩის არბიტრია დანიშნული. მათ შორში ამოუდგებიან თანამემამულე ასისტენტები, რომლებთან ერთადაც ხსენებული არბიტრები გასული სეზონი ჩატარეს.

ბაპუნა კელია




- 7 ივნისი
შვიციხარი : ჩახეთი
პორტუგალია : თურქეთი
8 ივნისი
ავსტრია : ხორვატია
გერმანია : პოლონეთი
9 ივნისი
რუმინეთი : საფრანგეთი
ჰოლანდია : იტალია
10 ივნისი
ესპანეთი : რუსეთი
საბერძნეთი : შვედეთი
11 ივნისი
ჩახეთი : პორტუგალია
შვიციხარი : თურქეთი
12 ივნისი
ხორვატია : გერმანია
ავსტრია : პოლონეთი

ლიბერტადორის თასი 2008

ნახევარფინალი. საპასუხო მატჩი
ფლუმინენსა (ბრაზილია) 3:1 ზოკა სუნიორსი (არგენტინა) (2:2)
0:1 პალერმო (57), 1:1 ვაშინგტონი (62), 2:1 იბარა (62სკ), 3:1 დოდო (90)
ფლუმინენსა: ფერნანდო ენრიკე ტიაგუ სილვა, ლუიშ ალბერტუ, ფერნანდო სენარი, არიუა, იგორი (დოდო 60), სისერუ, კონკა, ტიაგუ ნევეში (მაურიციუ 80), ვაშინგტონი (როფერი 90)
მწვრთნელი: რენატუ პორტალიუპი
ზოკა სუნიორსი: მილიორე, კასერესი, პალეტა, მორელი (ბოსელი 78), იბარა, რიკუ ლემე, ბატალია, ვარგასი (ლედესმა 45), დატოლო (ნავესი 84), პალერმო, პალასიო
მწვრთნელი: კარლოს იშია
გაფრთხილება: რიკელმე, ვაშინგტონი, არიუა, პალერმო, დოდო, ფერნანდო სენარი
მსაჯი: კარლოს ტორესი (პარაგვაი)
78 856 მაყურებელი

პირველად მარაკანასთან



კარლოს იშიას და ზუან როზის რიკელმეს თასის ჩაბარება მოუწევთ

ბრაზილიურმა „ფლუმინენსემ“ ლიბერტადორის თასის საპასუხო ნახევარფინალური მატჩის ბოლო 30 წუთში სამი გოლი გაიტანა და ფინალში გავიდა. „ფლუმინენსეს“ მეტოქე გახლდათ თასის ექვსეზის მფლობელი „ბოკა ხუნიორსი“, რაც იმას ნიშნავს, რომ წლეულს სამხრეთ ამერიკის უდიდესი საკლუბო თასის გამარჯვებული შეიკვლება. ასე და ამგვარად, ბრაზილიურმა გუნდმა არგენტინულს 3:1 მოუგო, ორი მატჩის ჯამში კი 5:3 გამოუვიდა. თამაში, რომელზეც მოგახსენებთ, ლეგენდარულ „მარაკანაზე“ გაიმართა.

ბაპუნა კელია

Table with match results and statistics for the Libertadores Cup 2008, including scores and team names.

Main table with columns for time (20:00, 22:45), match number, court name, and scores for various tennis matches. Includes sub-headers for sets (8, 9, 10, 11, 12, 13) and match numbers (14, 15, 16, 17, 18). Includes 'Roland Garros' and '6 ივნისი'.

ტაშვანი ბოლი ბავა მატჩში (პირითადი დრო) (2,5-ზე ნაკლები - 2,5-ზე მეტი)

Table with columns for match number, court name, and scores. Includes match numbers 12001 through 12012.

ბაიტანს თუ არა ორივე ბუნდი მატჩში ბოლს. (პირითადი დრო)

Table with columns for match number, court name, and scores. Includes match numbers 13001 through 13012.

ბოლი: ყვითელი-10უ კინტი-2 (0:0 ითვლება ყვითელად)

Table with columns for match number, court name, and scores. Includes match numbers 17001 through 17024.

რომელი ტაიფში ბავა მეტი ბოლი

Table with columns for match number, court name, and scores. Includes match numbers 15001 through 15024.

შრეს ბარეში (პირითადი დრო)

Table with columns for match number, court name, and scores. Includes match numbers 16001 through 16024.

რომელი ბუნდი ბახსნის მატჩში ანბარის (მატჩის 0-0 დამთავრების შემთხვევაში, ორივე შრენი წაბეზულად ჩაითვლება)

Table with columns for match number, court name, and scores. Includes match numbers 14001 through 14024.



